

Aningaasaqarnikkut pissutsit 4.kvartal 2019

Aningaasaqarnerup ineriartornera

Naatsorsueqqissaartarfiup qaammatikkaartumik, kvartalikkaartumik ukiullu affakkaarlugit kisitsisitigut paasissutissanut saqqummersittagaanut ilassutitut aningaasaqarnikkut pissutsit pillugit kisitsisitigut paasissutissat, aningaasaqarnerup ineriartornerata ilaanut uuttuutitut atorneqarsinnaasoq, saqqummersinneqartarpoq. Naatsorsueqqissaatarfiullu aningaasaqarnikkut pissutsit kisitsisitigut paasissutissaat kvartalikkaartumik saqqummersittarpari. Tabelit ataani takutinneqartut kiisalu kisitsisaataasivik 2019-imi 4.kvartali tikillugu kisitsisinik imaqarput.

Takussutissaq 1. Ingerlaavartumik naatsorsukkat

	2018		2019		pct. allannguut 2018-2019	
	3. kvf.	4. kvf.	3. kvf.	4. kvf.	3. kvf.	4. kvf.
Atugassanik niuernikkut kaaviaartitat, (Naleq. 2010=100)	129,3	130,9	135,5	141,0	4,8	7,7
Kalaallit Nunaannut nassiussat annertussusaat, 1.000 kbm	132,1	140,0	150,7	142,0	14,1	1,4
Kalaallit Nunaannit nassiussat annertussusaat, 1.000 kbm	103,6	104,2	99,1	97,3	-4,3	-6,6
Ingerlaavartumik isertitanit akileraarutit, mio. kr.	1.060,3	1.162,1	1.053,3	1.251,8	-0,7	7,7
Eqqussuinermi naqissusiinikkullu akitsuutit, mio. kr.	149,5	176,0	122,3	171,1	-18,2	-2,8
Eqqussuinermi akitsuutit (motorillit pinnagit), mio. kr.	113,0	151,9	101,5	143,6	-10,2	-5,5
Eqqussuinermi akitsuutit, angallatit motorillit, mio. kr.	12,0	15,2	6,6	14,9	-45,0	-2,0
Sanaartornermut iluusaassisarnermullu aningaasaateqarfiup aningaasartuutai ¹ , mio. kr.	95,9	-650,0	67,3	...	-29,8	...

Nassuiaat: 1) UNITSINNEQARPOQ. Sanaartornermut iluusaassisarnermullu aningaasaateqarfiup aningaasartuutaasa nikerarnerinut peqqutaqaataavoq sanaartortitsinermi kommunit akisussaaffeqarmerulererat, soorlu pisortanik pigineqartunik inissianik aqutsinermik sanaartortitsinermilu. Taamaattumik Sanaartornermut iluusaassisarnermullu aningaasaateqarfiup atuinera sanaartornerup iluani naleqqersuutitut piukkunnarunnaarmat, 2020-mi 1. kvartalimi unitsinneqarpoq

Najoqqutaq: www.stat.gl/kon

Takussutissaq 2. Killiffimmi naatsorsukkat

	2018		2019		Pct. allannguut 2018-2019	
	3. kvf.	4. kvf.	3. kvf.	4. kvf.	3. kvf.	4. kvf.
Bankimit taarsigassarsiaritat ² , mio. kr.	4.248,0	4.165,0	4.592,0	5.020,0	8,1	20,5
Bankimi uninngasuutit ³ , mio. kr.	5.849,0	6.005,0	6.355,0	6.334,0	8,7	5,5
Pappialanut nalilinnut akiitsut, mio. kr.	3.311,6	3.324,3	3.450,6	3.613,0	4,2	8,7
Nunatta karsiata akiliisinnaassusaa ² , mio. kr.	2.334,5	2.350,4	2.391,6	0,0	2,4	...
Pisortanut akiitsut, mio. kr.	...	748,576	...	622,565	...	-16,8

Nassuiaat: 2 & 3) 2019-imi 4. kvartalimi saqqummersitam Bankimit taarsigassarsiaritat² aamma Bankimi uninngasuutit naqinnerlunneqarsimasut iluarsineqarput, ullormi saqqummersitsiviusumi kisitsisaataasivimmi kisitsisit ajunngillat. (malugiuk, kisitsisit 6. maj 2020-mi iluarsineqarput)

Nassuiaat: 4) Pisortanut akiitsut 4. kvartal 2019 kingusinnerusukkat saqqummersinneqarumaarput.

Najoqqutaq: www.stat.gl/kon

Takussutissaq 1 aningaasaqarnikkut pissutsinut uuttuutininik ingerlaavartumik naatsorsukkanik imaqarpoq, takussutissiarlu 2 aningaasaqarnikkut pissutsinut uuttuutaasunik killiffimmi naatsorsukkanik imaqarluni. Ingerlaavartumik naatsorsukkat tassaapput qaammammut imaluunniit kvartalimut annertussutsit aningaasalluunniit ataatsimut katillugit kisinneri, killiffimmilu naatsorsukkat tassaallutik piffissami pineqartumi – matumani kvartalip naanerani imaluunniit ukiup affaanut, aningaasat killiffiat.

Kisitsisaataasivik

Kisitsitit tabelimi qulaani takutinneqartut Naatsorsueqqissaartarfiup kisitsisaataasivianiipput uuttuutinullu ataasiakkaanut periaatsimut nassuiaat nittartakkami www.stat.gl –imi Aningaasaqarnikkut pissutsinut pillugit saqqummersitami nassaarineqarsinnaavoq. Annertunerusumik paasisaqarusuttut Anders Blaabjerg oqarasuaat (toqqaannartoq) 34 57 81 atorlugu saaffigisinnaavaat.

Periuseq

Aningaasaqarnikkut pissutsinut ilaapput kisitsisitigut paasissutissat qaammatikkaartumik aamma kvartalikkaartumik saqqummersinneqartartut, nunami aningaasaqarnikkut pissutsinik sukumiisumik misissuinermi atorineqartartut.

Aningaasaqarnikkut pissutsinut ilaapput uuttuutit atorneqartut Kalaallit Nunaanni aningaasaqarnikkut pissutsinik ersersitsisut. Aningaasaqarnikkut pissutsip nuna tamakkerlugu naatsorsuutit tapertarivaat makkunatigut malinnaagasuartoqarsinnaalersillugu: Tunisassiorneq, inuinnaat atuinerat aamma pisortat atuinerat, aningaasaliinerit nunanillu allanik niueqateqarneq. Naleqqersuutit atorneqarsinnaanermi saniatigut aningaasaqarnikkut pissutsini pineqartut ineriartorneri ersersinneqarput.

Aningaasaqarnikkut pissutsit ineriartornerat aningaasaqarnermi qitiusut ineriartorneri malillugit ingerlavoq. Uuttuutit atorneqartut tooqqaannartumik aningaasaqarnermi pissutsinut sunnuteqarneq ajoraluartut, Naatsorsueqqissaartarfiimmit ilisimaneqarpat ass. uuttuutit atorneqartuni inatsisit tunngavigalugu allatigulluunniit allannguisoqarnerani, tamanna nalunaarutigineqassaaq kisitsisaataasivimmi tabelini notatiliornikkut.

Aningaasaqarnikkut pissutsinut paasissutissat uku ilaapput:

Atugassanik niuernikkut kaaviiartitap naleqqersuutaa
Nassiussat annertussusaat
Bankimit taarsigassarsiarititat uninngasuutillu ukiup naanerani
oqimaaqatigiissinneri
Nalilinnut atukkiineq, pappialanut nalilinnut akiitsut
Ingerlaavartumik isertitanit akileraarutit
Eqqussuinermi naqissusiinikkullu akitsuutit
Pisortanut akiitsullit allattorsimaffiat
Nunatta karsiata akiliisinnaassusiata ukiup naanerani oqimaaqatigiissinnera

Sanaartornermut Iluarsaassisarnermullu aningaasaateqarfiup atuinera – 1.
kvartal 2020-mi atorunnaarpoq

Taakku saniatigut aningaasaqarnikkut pissutsit allat pigineqartut:

Takornariartitsineq eqqarsaatigalugu Akunnittarfinni unnuisut aamma
Timmisartumik angalasut

Nunanik allanik niueqateqarneq eqqarsaatigalugu Kalaallit Nunaannut
tunifat aamma Avammut tunifat

Suliffissarsiortutut nalunaarsukkat

Aalisarneq piniarnerlu eqqarsaatigalugit Tunifat aamma Aalisakkat akiinut
naleqqersuut

Atuisunut akit

Sanaartornermi aningaasartuutinut naleqqersuut

Atugassanik niuernikkut kaaviiartitat

Atugassanik niuernikkut kaaviiartitat ineriartornerup takutinnissaa
siunertaraat, tassunga ilanngullugit inuinnaat atuinerisa ineriartornerat.

Kvartalikkaarlugit Kalaallit Nunaanni niuertunit anginernit pingasunit
Naatsorsueqqissaartarfimmit kisitsisit pissarsiarineqartarput. Niuertunit
kisitsisit pissarsiarisat ataatsimoortinneqartarput. Taakkunani kaaviiartitat
naleqqersuutaattut naatsorsorneqartarput, naleqqersuutip ineriartornerata
takutittarpaa atugassanik niuernikkut kaaviiartitat ineriartornerat.

Naleqqersuut tassaavoq ukiumut tunngaviumut kvartalimut kaaviiartitat
agguaqatigiissinnerisa naatsorsornerat, kvartalimi allanngortoqaraangat
kvartalimi agguaqatigiissitsinermi naleqqersuut allanngorsimasarpoq.

Naleqqersuut aamma ukiup ingerlanerani piffissanut immikkoortiterlugit
iluarsineqartarpoq. Ukiumut allanngorarnerit taamaasillutik
salinneqartarput. Ukiup ingerlanerani piffissanut immikkoortiterlugit
iluarsaassineq X-12-ARIMA aamma malitassaq JDemetra+ -imi
pissarsiarineqarsinnaasoq atorlugit suliarineqartarpoq. Ukiup ingerlanerani
piffissanut immikkoortillugit iluarsaassineq ingerlaavartumik
suliarineqartarpoq, ukiumullu ataasiarluni malitassaq malillugu
suliarineqartarluni. Periuseq pillugu paasissutissiinermi ukiup ingerlanerani
piffissanut immikkoortillugit iluarsaassinerit immikkut allaaserineqartarput.

Nassiussat annertussusaat

Nassiussat annertussusaasa kisitsisitigut paasissutissaasa nioqqutissanik
eqqussuinermit uuttuteqarnissaq siunertarivaat. Naatsorsueqqissaartarfiup
nassiussat annertussusaat kvartalikkaarlugit Royal Arctic Line A/S (RAL)-
imit pissarsiarisarpai. Kisitsisitigut paasissutissani pineqartuni uuttuut 1.000
m³ atorneqarpoq.

Kalaallit Nunaanniit avammut tunifat RAL kisiat aqqutigalugu pineq ajorpoq,
ilaatigut Islandimut aalisakkanik tulaassisoqartarpoq, timmisartukkullu
nioqqutissanik eqqussuisoqartarluni. Nassiussat annertussusaat
ataatsimoortinneri naatsorsukkani taamaallaat ersersinneqartarput. Nassiussat
annertussusaat immikkoortitigaapput. RAL-ip nassiussat ima
immikkoortitertarpai.

2018-imi aamma 2019-imi nassiussat annertussusaat pct.-inngorlugu suussusiinut aamma nassiussat akornanni agguaqatigiissillugu qanoq annertutiginerinut immikkoortillugit.

	Kalaallit Nunaannut	Kalaallit Nunaannit
Nassiussat nalinginnaasut	65,5	6,4
Bilit,		
angallatit,entreprenørmaskiinallu	5,7	0,5
Usit navianartut	2,0	1,7
Nassiussat allequtsikkat	1,4	0,0
Igitassat nassiussat	0,0	3,6
Nassiussat annertuut	3,2	0,6
Tankcontainerit	0,4	0,0
Nassiussat kissassutsimi/nillissutsimi		
aalajangersimasumiittussat	19,1	82,5
Angallannermut atortut	2,8	4,7

Malugiuk 2018-imi aamma 2019-imi nassiussat agguaqatigiissinneri naatsorsorneqarput.

Bankimit taarsigassarsiarititat uninngasuutillu ukiup naanerani oqimaaqatigiissinneri

Kisitsisitigut paasissutissani Kalaallit Nunaanni bankimit taarsigassarsiarititat uninngasuutillu kiffartuussiviit sorliit taarsigassarsisimanersut aamma sorliit uninngasuuteqarnerisut ilanngullugit ersersinniarneqarput.

Nationalbankimit Kalaallit Nunaanni Danmarkimilu bankini taarsigassarsiat aamma uninngasuutit Kalaallit Nunaanni najugalinnit pigineqartut nalunaarsorneqarsimapput. Nationalbankip kisitsisitigut paasissutissioriaaseq MFI ineriartortissimavaa, taanna atorlugu 2013-imi 3. kvartalimiit taarsigassarsiat kiffartuussivinnit sorlernit taarsigassarsiaanersut takuneqarsinnaapput, takuuk linki ilanngussa. [Ny og mere detaljeret MFI-statistik](#)

Kisitsisitigut paasissutissat kiffartuussivinnut ukununnga immikkoortitigaapput:

- 1000 Kiffartuussivinni tamani
- 1100 Ingerlatsiviit aningaasaliineq ajortut
- 1200 Ingerlatsiviit aningaasaliisartut, aningaasaqarnermik suliallit aamma suliffeqarfiit aningaasaliisartut (MFI) ilanngunnagit
- 1300 Pisortat ingerlatsinerat sullissinerallu
- 1400 Angerlarsimaffinni ulluinnarni atortut
- 1500 Sulliviit iluanaarniarfiunngitsut ulluinnarni angerlarsimaffinni atortunut tunngasut (NPISH)

Nationalbankip kiffartuussiviit aamma suliaqarfiit nalinginnaasut immikkoortiternissaannut immikkut ittumik periutsumik suliaqarsimavoq. Kiffartuussiviit aamma suliaqarfiit nalinginnaasut immikkoortiternissaannut periuseq Nationalbankip [sektormanual](#)-iani atuarneqarsinnaavoq.

Taarsigassarsiarititat uninngasuutillu ukiup naanerani oqimaaqatigiissinneri naatsorsorneqarmata taarsigassarsiat piffissap naanerani atuuttut ersersinneqarput. Oqimaaqatigiissitsinerup ineriartornera tunngaviit

assigiinngitsut sisamat oqimaaqatigiissitsinermut sunniuttartut atorlugit suliaavoq, tunngaviit pineqartut tassaapput:

Ilanngaatissat ilanngaatigereerlugit nuussinerit
Annaasat
Aningaasat nalingisa nikerarnerisa nalimmassarneri
Klassifikationinik iluarsaassineq

Ilanngaatissat ilanngaatigereerlugit nuussinerit aamma (klassifikationinik iluarsaassineq/taarsigassarsiat allanngortinneri) tassaapput tunngaviit initunerpaat. Naatsorsuutit aamma kisitsisitigut paasissutissat sukumiinerusut Nationalbankip nittartagaani pissarsiarineqarsinnaapput. www.nationalbanken.dk

Nunani allani bankini taarsigassarsiarititat uninngasuutillu ilanngunneqanngillat, aamma suliffeqarfiit iluini ingerlatsivinnit taarsigassarsiat ilaanngillat.

Nalilinnut atukkiineq, pappialanut nalilinnut akiitsut

Nalilinnut atukkiineq, pappialanut nalilinnut akiitsut pillugit kisitsisitigut paasissutissat realkreditinik atukkiisartunit aningaasaliisoqartarnerata ineriartornerata nalunaarsorneqarnissaa siunertaavoq.

Nalilinnut atukkiineq, pappialanut nalilinnut akiitsut pillugu

Naatsorsueqqissaartarfik Finanstilsynemil paasissutissanik pissarsisarpoq, aningaasanik sunut atukkiisoqarsimanera tamakkiisoq nalunaarutigineqartarluni. Piffissap ingerlanerani oqimaaqatigiissitsinerit nalunaarutigineqartarput, tassa piffissap naanerani aningaasat annertussusaat nalunaarutigineqartarlutik.

Aningaasanik taarsigassarsisitsinerit sunut atugassaanerit immikkoortitigaapput.

Nalunaarutiginninnermi pigisat suuneri ima immikkoortitersimapput:

Pigisat suuneri	Pigisat suuneri itisilerlugit
Illut nammineq pigisat	Illut nammineq pigisat
Inissialiortiternermut tapiissutit	Inissialiortiternermut tapiissutit
Piginneqatigiilluni inissiat	Piginneqatigiilluni inissiat
Illumik nammineq pigisamik attartortitsineq	Illumik nammineq pigisamik attartortitsineq
Suliffissuaqarfiit aamma sanaartorfiit	Illuutit suliffissuaqarfiit aamma sanaartorfiit (innaallagiamik pilersuineq ataatsimoorussaqaq ilanngullugu)
Allaffiit aamma niuertarfiit	Illuutit allaffiit aamma niuertarfiit
Isumaginnittoqarfik aamma piorsarsimassutsimut tunngasut	Illuutit isumaginnittoqarfik aamma piorsarsimassutsimut tunngasunut atortussiat

Nalunaarsuinerit pillugu paasissutissat sukumiinerusut Finanstilsynip nittartagaani pissarsiarineqarsinnaapput. www.finanstilsynet.dk

Ingerlaavartumik isertitanit akileraarutit

Ingerlaavartumik isertitanit akileraarutit pillugit kisitsisitigut paasissutissat isertitanit akileraarutit iluanaarutitaasa ineriartornerisa

nalunaarsorneqarnissaat siunertaavoq. Paasissutissat A- aamma B-isertitanit akileraarutinit ingerlaavartumik naatsorsukkat Akileraartarnermut Aqutsisoqarfimmit pissarsiarineqartarput. Ingerlaavartumik isertitanut akileraarutit ukununnga immikkoortinneqarsimapput; nunamut tamarmut akileraarutit, kommuninut ataatsimut akileraarutit, nunamut tamarmut immikkut akileraarutit aamma kommunimut akileraarutit.

Isertitanit akileraarutinit iluanaarutit ineriartornerinik nalilersuinermit isertitanut akileraarutinit malittarisassat allanngortinneqarneri ilanngunneqartussaapput. (Ass. nunamut tamarmut akileraarut 1. januaari 2013-imi allanngortinneqarpoq 11 pct.-imiit 10 pct.-inngortinneqarluni, aamma Kommuneqarfik sermersuummut kommunimut akileraarut 1. januaari 2014-imi allanngortinneqarpoq 25 pct.-imiit 26 pct.-imut.

Piffissap aalajangersimasup iluani akileraarutit

Naatsorsuutit eqqarsaatigalugit ukiumut 15-eriarluni isertitat akileraaruserneqartarput. Aningaasaqarnikkut pissutsini piffissat 1-13 ukiumut pineqartumut ilanngunneqartarput, piffissat 14 aamma 15 ukiup tullianut 1. kvartalimut ilanngunneqartarput. Taamatut piffissamik immikkoorsitsinermit kvartalikkaarlugit akileraarutaasartunut uuttuutilersuinissaq eqqarsaatigineqarpoq, ukiumut akileraarutaasartunut uuttuutilersuinissaq pivallaarnagu.

Nunamut tamarmut akileraarutit aamma nunamut tamarmut immikkut akileraarutit ilutigalugit nunamut akileraarutit akileraaruteqartoqartarpoq akileraarfiusuni tamani. Nunamut tamarmut akileraarutit taakku nunamut tamarmut akileraarutit Kalaallit Nunaanneersut sinnerinut ilanngunneqartarput.

Eqquusuinermit naqissusiinikkullu akitsuutit

Pillugit kisitsisitigut paasissutissat eqquusuinermit naqissusiinikkullu akitsuutinit iluanaarutit ersersinneqarnissaat siunertaaraat, taamaasilluni nioqqutissat eqquussukkat naqissusikkat ineriartornerannut uuttuuteqalersitsipput.

Naatsorsueqqissaartarfimmit eqquusuinermit naqissusiinikkullu akitsuutit kvartalikkaarlugit Akileraartarnermut Aqutsisoqarfimmit pissarsiarineqartarput. Eqquusuinikkut naqissusiinikkullu akitsuutit allanngorneri nalilersuinermit ilanngunneqartarput. Akitsuutit 18. novembari 2019-imi allanngortinneqarput.

Nioqqutissanut eqquusuinermit akitsuutit ima agguataarneqarsimapput

Pisiassat suuneri	Akitsuutit nr.
1.1 Sioraasat/kaffi/tii	1+2+3
1.2 Sukkulaatit	4
1.3 Immiaaraq	11+12+13+14+15
1.4 Viinni	16+17+18+19+20
1.5 Imigassaq	21+22+23+24+25+26
1.6 Cigaretteri	43

1.7 Tupa alla	41+42+44+45+46+47
1.8 Mineralvandi	31+32+33+34+35+36+37
1.9 Poortuut	34+35
1.10 Neqi	51-imit 62-imut
1.10 Angallatit mootorillit	71-imit 84-imut aamma 92-imit 99-imut
1.11 Tipigissaatit	90
1.12 Assigiinngitsut + qummoortartut	70+il.il.

Eqqussuinermi naqissusiinikkullu akitsuutit

Eqqussuinermi naqissusiinikkullu akitsuutit tassaapput pisiassap akiata nalingata ilaa pisinermi imaluunniit pisianik pisinermi Namminersorlutik Oqartussanut akiliutigineqartartoq, pigisanut qularnaveeqqutit imaluunniit pigisanut taarsiissutaasinnaasutut, ass. umiarsuarnut angallatinut sunngiffimmi atorneqartartunut. Illuutiniq nammineq pigisanik aamma piginneqatigiilluni inissianik pisinerit ilaatigut akitsuutit ineriartornerannut sunniuteqartarput.

Paasissutissat akitsuusersukkanut tunngasut sukumiinerusut Akileraartarnermut Aqutsisoqarfiup nittartagaani pissarsiarineqarsinnaapput. <http://aka.gl/da/Borger/AFGIFT/Afgiftslove/Indfoerselsafgifter>

Pisortanut akiitsut

Akileraartarnermut Aqutsisoqarfik ukiumut marloriarluni pisortanut akiitsunik naatsorsuisarpoq, januarimi aamma juli/aggustimi. Ullormi oqimaaqatigiissut tunngavigalugu nalunaarsorneqarput, tassa pisortanut akiitsut januarip aallartinnerani aamma juulimi/aggustimi annertussusaat nalunaarutigineqartarlutik. Pisortanut akiitsut assigiinngitsunut 20-nut immikkoortitikkat nalunaarutigineqartarput. Pisortanut akiitsut suunerinut aamma akiitsut annertussusiinut immikkoortitigaapput. Tabelimi ataani allassimasumi takuneqarsinnaapput 2019-imi ukiup affaani siullermi aningaasat kr.-inngorlugit annertussusaat katillugit annertussusaanut sanilliunneri.

Akiligassat kingusinnerusukkat akiligassarilikkat A-akileraarutinut ilanngunneqartarsimagaluartut maanna immikkut nalunaarutigineqartalerput.

2019-imi ukiup affaani siullermi pisortanut akiitsut, akiitsut annertussusaat pct.-inngorlugu

	Suliat amerlassusaat	Akiitsut annerussusaat pct.-inngorlugu
Akiitsut tamakkerlugit	100,0	100,0
Meeqqanut akilersuutit	25,9	38,8
Akileraarutinut akiligassat	0,3	2,3
ESU	0,0	3,9
A-akileraarutit	0,8	1,9
Ingerlatseqatigiiffiit akileraarutaat	0,0	0,0
Ineqarnermut akiliut	1,5	5,7
Akileraarutit erniaat	0,4	0,2

Kommuninut akiitsut assigiingitsut	6,3	4,3
Ikorsiissutit akiligassat	1,6	2,5
Ilinniarnermi taarsigassarsiat	0,3	1,4
Meeqqeriviit	8,7	1,6
Eqqagassat	36,8	3,7
Kommunini inuussutissarsiutinut taarsigassat	0,0	0,1
Namminersorlutik Oqartussanut akiitsut assigiingitsut	4,2	2,3
Ineqarnermut tapiissutinik taarsigassarsiat	0,1	1,7
Namineq illulionermi taarsigassarsiat	0,1	0,4
Innaallagiq/Imeq	2,6	0,3
Meeqqanut inissinneqartunut angajoqqaat akiitsui	7,7	3,2
Nunat Avannarliit piumasaqaataat	0,3	1,1
Akiitsut allat	2,4	0,2
Akilerarutitigut annaasaqaataasunut immikkoortinneqartut	...	24,3

Pisortanut akiligassat ataasiakkaarlugit nassuiaataat Akileraartarnermut Aqutsisoqarfiup ukiumoortumik nalunaarusiaani atuarneqarsinnaapput.

Nunatta karsiata akiliisinnaassusiata ukiup naanerani oqimaaqatigiissinnera

Namminersorlutik Oqartussani qitiusumik naatsorsuuseriffiup (DcR) nunatta karsiata piffissaq sivikitsoq eqqarsaatigalugu akiliisinnaassusia naatsorsortarpaa. Naatsorsuineq pisarpoq aningaasaatit uku malillugit:

Bankimi uninngasuutit (karseniittut ilanngullugit)
Obligationit

Piffissap pineqartup naanerani qaammammi kingullermi nalunaarsuinerit suliarineqarsimapput, tassa kvartali qaangiukkaangat, qaammatini marsi, juuni, septembari aamma decembari nalunaarsorneqartarlutik.

Sanaartornermut Iluarsaassisarnermullu Aningaasaateqarfik

Namminersorlutik Oqartussani qitiusumik naatsorsuuseriffiup (DcR) qaammatikkaarlugit Sanaartornermut Iluarsaassisarnermullu Aningaasaateqarfiup atuinera nalunaarsortarpaa. Nalunaarsuinerit ukununnga pingaarnernut immikkoortitigaasarput:

Inissiat (sanaartorneq iluarsaassinerlu)
Sanaartornermut Aningaasaateqarfimmit taarsigassarsiarititat
Nukissiorfiit (sanaartorneq iluarsaassinerlu)
Suliffeqarfiit (sanaartorneq iluarsaassinerlu)
Sinneri mittarfiit ilanngullugit (sanaartorneq iluarsaassinerlu)

DcR-imit Sanaartornermut iluarsaassisarnermullu Aningaasaateqarfiata atuisimanera nalunaarsorneqartarpoq piffissap naatsorsuiffiusup qaangiunnerani, ukiumut piffissat naatsorsuiffiusartut 13-iupput, qaammatit 12-iusut piffissallu naanera aamma ilaalluni. Saqqummersinneqartartumi aningaasaqarnikkut pissutsini nalunaarsueriaaseq allanngortinnagu

atorneqarpoq. nalunaarsuineq ukiup ataatsip iluani atuuttoq naatsorsuutsit 13-it katinnerisigut suliarineqarput.

Kvartalikkaarlugit nalunaarsuinerit 4. kvartalimi nalunaarsuutit oktobarimi, novembarimi, decembarimilu atuineq piffissap naanerani atuinertut nalunaarutigineqarpoq.

Sanaartornermut atuineq sukumiinerusoq Sanaartornermut Iluarsaassisarnermullu Aningaasaateqarfiup nalunaarsuutaani suliarineqartarpoq. Taassuma saniatigut Aningaasaqarnermut Inatsimmi sanaartornermut ataasiakkaanut nassuiaatit atuarneqarsinnaapput.

1. kvartal 2020 aallarnerfigalugu tabeli Sanaartornermut Iluarsaassisarnermullu Aningaasaateqarfimmut tunngasup kisitsisitali nutarterneqaqqissanngillat. Sanaartornermut Iluarsaassisarnermullu Aningaasaateqarfimmit atuineq ukiuni kingullerni millisimavoq, tamanna pissuteqarpoq allanik sanasitsisoqartarnera. Taakku saniatigut kommunit pisortat pigisaanut inissianik sanaartornermik aamma aqutsinernik akisussaaffeqarnerulernikuupput, tamannalu pissutaalluni aamma Sanaartornermut Iluarsaassisarnermullu Aningaasaateqarfimmit atuineq millinikuulluni. Taakku pissutigalugit nalilerneqarpoq Sanaartornermut Iluarsaassisarnermullu Aningaasaateqarfik uuttuutit atussallugu tulluarunnaartoq.

Saqqummersitat

Aningaasaqarnikkut pissutsit kvartalikkaartumik saqqummersinneqartassapput emailikkut nutaarsiasatut nalunaarutigineqartassallutik. Kisitsisaataasivimmut kisitsisit nutaat ilineqartassapput kisitsisit tiguneqaraangata, kingusinnerpaamik kvartalip naagaangat qaammat ataaseq qaangiunnerata missaani.

Kukkunernut pissutaasinnaasut

Nassiussat annertussusaat

Kalaallit Nunaannut aamma Kalaallit Nunaannit ukiup siuliani nassiussat annikitsumik iluarsineqartarput. Kisitsisit pineqartut allanngortarnerinik tamanna pissuteqarpoq. Taamaattumik ukiut kingulliit marluk nassiussat annertussusaat kisitsisaagallartarput.

Sanaartornermut Iluarsaassisarnermullu aningaasaateqarfik

Ukiumi kingullerni kisitsisit kisitsisaagallartarput, ukiup naanerani qaammatini siuliini kisitsisit annikikkaluamik iluarsineqarsinnaapput.

Akit ingerlaavartut aamma akiviusut (nominelle priser/realpriser)

Nalit pillugit datat aningaasat nalikilliarnerat ilanngunneqarsimanngillat. Aningaasaqarnikkut pissutsit taamaallaat suliarineqarput akit ingerlaavartut atorlugit. Akiviusut tunngavigalugit suliaqarnermi nalinginnaasumik nali appasinnerusarpoq.

Isertitanit akileraarutinik naatsorsuineq

Piffissap nikinnera pissutaalluni naatsorsuinermi nalominartoqarsinnaavoq. Ingerlatsivinniit suliffeqarfinniilluunniit nalunaartussaataitanermit Akileraartarnermut Aqutsisoqarfimmut naatsorsuutit assigiinngisitaarsinnaasarput, taamaasilluni naatsorsuutit piffissamik nikingasoorsinnaallutik, assersuutigalugu naatsorsukkanik kingusinaarluni tunniussisoqartillugu.

Piffissami naatsorsuisarneq pissutaalluni aamma sulinngiffeqarnissamut aningaasarsiassat Akileraartarnermut Aqutsisoqarfiup ukiup ataatsip iluani piffissaq 15-imik taasagaanni naatsorsorneqartarmata, sulinngiffeqarnermi aningaasarsiassat ukiup tullianut 1. kvartalimut ilanngunneqartarput.

Eqqussuinermi naqissusiinikkullu akitsuutit

Piffissap ilaanni ukiup nikinnera apeqqutaatinnagu akitsuutit nikeriarujussuarsinnaasarput. Inuup ataatsip, quersuarmut ilisassanik amerlasuunik pisinerata kingunerisaanik, taamaattoqartillugu ukiup siuliani pisianit allaanerumik isikkoqartitsilersinnaasarput.

Sanaartornermut Iluarsaassisarnermullu Aningaasaateqarfik

Imaasinnaavoq Sanaartornermut Iluarsaassisarnermullu Aningaasaateqarfimmi naatsorsuutini immikkoortitsinerit DeR-imit pineqartartunit naggasiutinut ilaannginnerat. Imaasinnaavoq aningaasaqarnikkut pissutsinit nalunaarsuutit Sanaartornermut Iluarsaassisarnermullu Aningaasaateqarfimmit allaanerumut.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginiffissaq
Kristian Møller
E-mail: kris@stat.gl

Aningaasaqarnikkut pissutsit

Kalaallit Nunaanni Naatsorsueqqissaartarfik
Postboks 1025 · 3900 Nuuk
Oqar.: +299 34 57 70 · Fax: +299 34 57 90
www.stat.gl · e-mail: stat@stat.gl

